

## GARIS PANDUAN SKIM PELAJAR HOLISTIK UPSI

### 1. PENGENALAN

Tujuan skim ini diwujudkan adalah untuk memberi penajaan kepada pelajar-pelajar UPSI yang cemerlang dalam akademik, ko-kurikulum dan mempunyai nilai tambah yang lain bagi melanjutkan pengajian di peringkat Sarjana secara sepenuh masa. Penawaran Skim Pelajar Holistik ini sebagai panduan kepada fakulti dalam merasionalkan pelan penggantian fakulti. \*baharu

### 2. SYARAT-SYARAT

- i) Pelajar UPSI
- ii) Warganegara Malaysia
- iii) PNGK 3.20 ke atas
- iv) Tidak pernah dikenakan tindakan tatatertib
- v) Perlu diperakukan oleh Dekan Fakulti
- vi) Lulus temuduga \*baharu
- vii) Calon-calon tidak dibenarkan menerima sebarang bentuk penajaan daripada mana-mana penaja lain. \*baharu
- viii) Tiada ikatan perjanjian dengan mana-mana pihak. \*baharu

### 3. PENGAJIAN

- 3.1 Peringkat pengajian adalah Sarjana sahaja dan mesti dijalankan di dalam UPSI.
- 3.2 Mod pengajian hendaklah penyelidikan penuh atau sekurang-kurangnya mod campuran (*mix mode*).
- 3.3 Syarat tumpuan pada bidang-bidang kritikal yang dikenal pasti oleh fakulti. \*baharu

Contoh seperti berikut:

| BIL | BIDANG                   | FOKUS  |
|-----|--------------------------|--|
| 1   | Falsafah Pendidikan      | Bahasa Melayu<br>Bahasa Inggeris<br>Matematik<br>Pendidikan<br>Jasmani<br>Pendidikan Seni<br>Sains Biologi,<br>Fizik dan Kimia |
| 2   | Pengukuran dan Penilaian |  |
| 3   | Teknologi Maklumat       |  |
| 4   | Pengajian Kurikulum      |  |
| 5   | Sosiologi Pendidikan     |  |

#### 4. TEMPOH UNTUK MENAMATKAN PENGAJIAN

Pelajar diberi tempoh enam (6) bulan dari tarikh lapor diri untuk menamatkan pengajian dengan jayanya (Pengesahan Senat Universiti). Kegagalan menamatkan pengajian dalam tempoh tersebut akan mengakibatkan tindakan tuntutan ganti rugi dimulakan. \* baharu

#### 5. KEMUDAHAN

5.1 Kemudahan yang diberikan adalah seperti berikut:

- i) Pembiayaan yuran pengajian
- ii) Kolej kediaman
- iii) Elaun sara hidup berjumlah RM800.00 sebulan

5.2 Pelajar yang telah memulakan pengajian sebelum ditawarkan di bawah skim ini tidak akan dibayar semula bayaran yuran yang telah dibayar. Elaun bulanan juga tidak akan dibayar secara *backdated*.

#### 6. LAPORAN KEMAJUAN SISWAZAH

Pelajar perlu menghantar Laporan Kemajuan Pengajian Siswazah/slip keputusan peperiksaan setiap 6 bulan sekali ke Unit Cuti Belajar melalui Fakulti. Yuran pengajian dan elaun sara hidup boleh ditahan/ditarik balik sekiranya status laporan kemajuan/keputusan peperiksaan gagal menunjukkan prestasi yang baik.

#### 7. TEMPOH PENAJAAN

Tempoh penajaan maksimum adalah 18 bulan dan tiada tempoh pelanjutan yang diberikan. Pelajar perlu menanggung sendiri yuran pengajian selepas tamat tempoh tajaan.

#### 8. TAMAT PENGAJIAN

Pelajar yang telah menamatkan pengajian perlu mengisi borang tamat pengajian dan menyerahkan satu salinan surat Tamat Pengajian melalui Fakulti ke Unit Cuti Belajar.

#### 9. PERJANJIAN

Pelajar adalah dikehendaki menandatangani Surat Perjanjian mengikut pengajian. Sekiranya pelajar tidak menandatangani perjanjian dalam tempoh yang ditetapkan, maka tawaran biasiswa akan ditarik balik.

#### 10. URUSAN PERMOHONAN

Pelajar yang ingin memohon perlu mengisi borang permohonan yang terdapat di laman web Bahagian Sumber Manusia (Borang Permohonan Skim Pelajar Holistik UPSI).

#### **Diluluskan dalam:**

- i. Mesyuarat Jawatankuasa Pengurusan Universiti Bil 17/2018 bertarikh 27 Disember 2018
- ii. Mesyuarat Jawatankuasa Pengurusan Universiti Bil 05/2019 bertarikh 18 April 2019
- iii. Mesyuarat Jawatankuasa Pengurusan Universiti Bil 06/2019 bertarikh 13 Mei 2019
- iv. Mesyuarat Jawatankuasa Pengurusan Universiti Bil 13/2020 bertarikh 11 Disember 2020